



IN C O L A S huius regionis Dacia Dacos Græci vocauere; Getas verò Romani: testes Plinius, Dion, Sthephanus, & alij: (adfirmat hoc quoque horum rex quondam Cortiso, quem Suetonius Getarum dicit, & Horatius Dacum.) siue Gothos, vt placet Iornandi. Sub Scytharum autem nomen video hos ab antiquioribus, vt Herodoto & eius seculi scriptoribus comprehendi. quibus adsentitur quoque dictus Iornandes. Daos etiam nominat eos dictus Stephanus. & Dauos, Strabo. qui hos ita discernit, vt Getas magis ad Orientem, Dacos verò ad Occidentem vergere dicat. Eadē tamen lingua hos vti, & vnā cum his Tracis, Germanica nempe; ex Plinio & Iornande doceri potest. Getas quoque Apathanizontas vocari, scribit Arrianus. Athanizontas autem scribendum, ex Herodoti 4. quasi immortales. nam mori se minime putant. sed ad Zamolxim quendam post obitum meare. de quo plura apud eundem. Patzinacitarum nomine suo tempore innotuisse, tradit Suidas. Hos Dacos vtramque Danubij ripam inhabitasse, ad Hæmum montem etiam, apud Dionem lego. quem sub horum nomine Mæcos quoque comprehendere video. Et Dacos hos eosdem non semel in has Mæcias postea transductos, inferius demonstrabimus. Duplicem itaque eandem Daciam ideo facit D. Paullinus,


de re ditu Nicetæ, hoc versu: *Et Getæ currunt, & vterque Dacus.* Duarum Daciarum in Digestis mentio. At de Mæsis postea. nunc de ipsa vera DACIA, cuius limites facit Geographorum princeps Ptolemæus, Danubium, Tibiscum, Hierasum flumina, & Carpaten montem. Iornandes hinc oriundus, huic ab Oriente Roxolanos tribuit, ab Occasu Tamazites. (Iazyges legere malo, ad hoc inductus rei verisimilitudine: item alterius codicis lectione, qui Taziges habebat.) à Septentrione Sarmatas & Bastarnas, à Meridie amnis Danubij fluentia. Hæc Dacia, vt idem inquit, in conspectu Mæsiarum angustias his addit Amm. Marcellinus. Hanc Eutropius, Aurel. Victor, Marcel. Comes, Lib. Notitiar. & Historia Miscella, in Mediterraneam & Ripensem diuidunt. Sunt (inter quos Lazius) qui Alpestem addunt, quo freti antiquorum scripto, mihi ignotum. Vannianum quoque regnum, de quo Tacitus & Plinius, in hoc terrarum tractu videre est. Atque hæc est propriè ipsa provincia Dacia, quam Eutropius dicit decies centena miliaria in circuitu tenere. Huius regia Zarmisogethusa, quæ postea COLONIA VLPÆ TRAIANA AVG. DACIC. ZARMIS. vti in lapidibus inscribitur, denominata ab Vlpio Traiano Imp. fuit. Hic enim eam, & totam regionem, deuicto eius rege Decebalō, in provinciam redegit. De quo bello à Traiano contra Dacos gesto (quia libri ab ipso, de hoc descripti, quos citat Priscianus grammaticus, periire,) legendus est Dion in huius vita. & videnda cochlea columna à Senatu Romano in huius Foro, vbi hætenus integra superest, erecta. Hanc sua manu delineatam Hieronymus Mutianus pictor celebris edidit, Romæ: foliis centum & triginta. Eandem ibidem explicauit F. Alphonſus Ciaconus commentario docto tam & laborioso, vt spectare in eo hoc bellum potius, quàm legere studiosus videatur. Montibus inhære hanc regionem, scribit Florus, item saltuosam, idem. Curionem enim Dacia tenuis venisse, sed saltuum tenebras expauisse, tradit. Deserta Getarum apud Strabonem 7. & Virgiliū sunt, Georg. 3. Gentem indomitam, ait idem. Hirsutos, & intonsos, pellitos, inhumanos, rigidos, truces, braccatos, vocat Statius. Faciem suam pingere, apud Plinium lego. Truculentiorē in Orbe esse nullam, cecinit qui eam vidit non tantum, sed habitauit, Ouidius. Bellicosam docet Vegetius, vt quibus nempe, summo Poëta teste, pater Gradius præsideat. Belli potens, etiam Claudiano nominantur. Scribit ex Aufidio Modesto Philargyrius, cum ad bella proficiscuntur, non prius rem capefcere, quàm de Istro certum modum haurientes ore, in modum sacri vini, iurare non se ad patriæ sedem regressuros, nisi hostibus casis. & idcirco Virgiliū dixisse Istrum coniuratum. Cum Orote (Olore alius codex legit, Role ex Dione lego) rege hos aliquando aduersus Bastarnas malè pugnasse, tradit Trogus: ad cuius vltionem segnitia, capturi somnum capita loco pedum ponere, insu regio cogebantur, ministeriaque vxoribus, quæ antea ipsis fieri solebant, facere. Horum vires olim adeò creuisse, Strabo auctor est, vt ducenta millia hominum in bello educerent. De his quoque hoc Silij fortè, *At gente in Scythica suffixa cadauera truci, Lenta dies sepelit putri liquet iabo.* Dacos quosdam PLISTOS vocari scribit 2. contra Appionem Iosephus: quorum vitam cum Essenorum comparat. Hos CTISTAS Strabonis putauerim, ex Abiorum gente. Atque hæc de Dacia, nunc de Mæsis, qui olim, vt habet ex Homero Dion Prusæus, Mysi dicebantur.

M O E S I A nomine omnis ea regio, quam Sauus in Istrum incidens, supra Dalmatiam & Macedoniam Thraciamque à Pannonia dirimit, vocari cœpit. in qua Mæsia cum aliæ gentes, tum qui olim Triballi nominati sunt, iique quos hodie Dardanos nominant. Dionis Nicæi hæc sunt verba interprete Xylandro. Iisdem limitibus quoque à Ptolemæo circumscriptur. Plinius etiam hanc à confluentia Sauis in Danubium, ad Pontum vsque ab Oriente extendit, & ad Histriam vsque, ab Occidente, Iornandes. Diximus Mæcias quondam dictas Dacias, cuius testem Fl. Vopiscum habeo: qui scribit Aurelianum Imp. hinc oriundum abduxisse ex Dacia populos, atque in Mæciam collocasse, eamque vocasse suam Daciam, (Aurelianam nempe) quæ nunc duas Mæcias diuidit: Idem Suidas, in voce, Dacia. Prouinciam Daciam, inquit Eutropius, (de eodem Aureliano) in Mæsia collocauit, & est in dextra Danubio in mare fluenti, cum antea fuerat in læua. Sex. Rufus autem duas Dacias ab eodem in regionibus Mæsiæ ac Dardaniæ factas, tradit. Inde in Codice hæc verba leguntur, *Mediterranea Mysia, seu Dardania.* Sub Dacia comprehensam, præter has dictas regiones, quoque fuisse Præualitanam, & partem Salutaris Macedoniæ regionis prouincias, testis est Liber Notitiar. De populis hic aliunde translatis, etiam Strabo scribit, suo nempe tempore (quem sub Augusto & Tiberio vixisse constat) ab Aelio Cato, (siue vt ex Dione mauult legere Casaubonus, Licinio Crasso) traductos, ex trans Istrum sitis Getis, hominum quingenta millia in Thraciam, & Mysos appellatos. Inscriptio antiqui lapidis extat in Smetij volumine, quæ dicit Aelium Plautium Mæsiæ Proprætorem in hanc plura quàm centum millia Transdanubianorum cum coniugibus ac liberis, & principibus aut regibus suis transduxisse. Hanc Mysiam, siue, vt apud Latinos ferè est, Mæsiā, in SUPERIOREM & INFERIOREM diuidit Ptolemæus. hæc SECUNDA, illa PRIMA vocatur in Codice Iustiniani. Inferiorē nominat Iornandes MINOREM SCYTHIAM: Zosimus SCYTHIAM THRACENSEM: Plutarchus in Mario, SCYTHICAM Ponticam: & eius habitatores Celtoſcythas. PONTICA Maritima, siue littoralis Παρὰ λίαν vocatur apud Polyænum 8. PONTVS simpliciter, non semel ab Ouidio, alijsq. Et sunt qui FLACCIAM nominant: à Flacco quodam Romano, quem his locis aliquando præfuisse, ex Ouidio liquet. Atque à veritate hoc non alienum videtur, ex nomine quo hætenus innotuit, *Vallachia* nempe, siue *Valachia*. Ab Ouidio quoque sub his nominibus, Sarmaticum solum, Geticum littus, Cimmericum littus, & Barbaria, non semel describitur. Regiones sunt fructuum vberimæ, adeò, vt teste Solino, Cereris horreum nominauerit Romana antiquitas. Eius incolæ Εγγεμάχους, id est, eminens pugnantibus, nominari à poëtis, annotauit Procopius 4. *Ædificior. Mysos in plaustra feroces.* & *Quam Getici ingēs premeretur Mysia plaustris.* sic de iis Claudianus. *Dant illis animos arcus, pleneq. pharetra.* Ouidius 1. de Ponto. Scytharum incursionem propulsare, & suis viribus regionem suam defendere, docet Aelianus. Maiorem in modum atrocitatis deditos, scriptum reliquit Strabo. *Vix hæc inuenies totum, mihi crede, per Orbem, Quæ minus angusta pace fruatur humus.* vt canit Tomitanus ille exul. Et idem alibi, *In quibus est nemo qui non coryton & arcum, Telaq. vipereo lurida felle gerat.* Quam feri, quam truces fuerint, audi ex Floro, Vnus ducum, ante aciem postulato silentio, Qui vos inquit estis? Responsum inticem: Romani, gentium domini. Et illi, Ita inquit, si nos viceritis. Ab animalium esu hos abstinere, religionis ergo, apud Strabonē Posidonius auctor est. eosque tantum caseo & lacte vesci. Apud eosdem, vt refert Aelianus, cum equorum genus coit, quidam velut hymenæum quendam, nuptijs præcinunt. vnde cantus suauitate permulsa equæ mox grauidæ fiunt: & formæ pulchritudine eximios pullos ex sese pariunt. In ea Mæsiæ parte qua Pontica est, vt habet Solinus, herba apparet qua oleum inficitur, quod vocant medicum. hoc ad incendium excitatum si obruere aqua gestias, ardet magis, nec alio sopitur, quam iactu pulueris. In Mæsia, Dardania regio quoque, quam MYSIAM Mediterraneam vocatam diximus, ex eo nempe quod quam longissimè à flumine Danubio sita: de cuius populis, idem auctor hæc, Per vniuersam vitam audio hos ter solummodo in vita lauari: post partum, cum nuptias ineunt, & cum mortem obierunt. De Triballis Mæsiæ quoque populis, ex Isigono hæc Plinius. Visu effascinant, interimuntque quos diutius intueantur, iratis præcipuè oculis: quod eorum malum facilius sentiunt puberes. Notabilius est, quod pupillas binas in oculis singulis habeat. Qui plura de hoc terrarum tractu velit, in primis de situ Mæsiæ Inferioris, adeat Ouidium 111. de Ponto, Elegia 1. & 1111. & x. De ritu & moribus inueniet apud eundem V. Tristium, Elegia v 11. De Danubio siue Istro flumine, quem Europæ fluuiorum regem nominat Aelianus 14. Animal. cap. 23. ab Apollonio 4. Argonauticor. Cornu Oceani vocatur. quia regiones hic descriptas per medium interluit, non nihil adnotare quoque lubitum. Hunc proxima magnitudine post Nilum omnium fluuiorum Imperij Romani maximum, legimus in Sallustij Fragmentis. Babylonios reges ex Danubio siue Istro aquas inter gazas reposuisse, annotauit Gyrardus, Syntagmate 17. Deorum. Nazianzeni frater Cæsarius in suis Dialogis, dicit hunc vnum esse ex Paradisi fluminibus, eum vtpote, quem sacra litteræ Phison nominant, quod illi tum facile concedam, cum mihi concesserit, sub Paradisi nomine totum comprehendi Orbem terrarum. quod ipsum mihi verisimile. Hunc eundem Danubium tradit Seneca v1. Natural. Europam Asiæque disternare hoc tamen omnes vtriusque linguæ siue veteres siue recentiores scriptores ad vnū Tanai flumini adscribunt. Et quis quæso Germaniam, quæ vltra hunc fluuium, Asiaticam regionem vnquam somniauit? An mutanda lectio? aut potius retinenda, Acronis fide, ad Horatium? vbi tradit Tanaim etiam Danubium dictum. iudicent peritiores. Huius sententiæ videtur Isidorus Originum 17. cap. 9. vbi scribit reubarbarum trans Danubium in solo barbarico nasci. Nasci enim ad Rha fluuium scimus hodie, qui est vltra Tanaim Orientem versus. Vtrumque autem & Danubium & Tanaim, scio hodie ab accolis suis Done nominari. De hoc flumine apud Plinium lego, eius singula ora tanta esse, (vides ea in hac tabula) vt produrat in quadraginta millia passuum longitudinis vinci mare, dulcemque intelligi haustum. Adicit Polybius 1111. ex hac huius aquæ in Pontum defluentia, tumulos quosdam fieri ex colluie deuecta materia, quos nauæ Stethe siue Pectora nominant, vnus diei itinere à litore distantia: in quæ sæpenumerò delati, per noctem nauæ periculum faciunt. Horum meminit quoque Strabo. Qui plura de huius fluminis nomine, natura, fonte, ostiis, fluminibus in eundem delabentibus scire desiderat, Guilielmi Stukij Commentaria ad Arriani Periplus maris Euxini adeat, ibi enim abundè atque doctissimè hæc omnia ab eo describuntur. De Thracibus, Mæsiis, Getis, Dacis, huiusque tabula regionibus, & gentibus, qui plura etiam velit, Strabonis librum septimum, eiusque Epitomen legat.

NOBILIS DNO IOANNI GEORGIO
A WERDENSTEIN ECCLESIAE
AVGVSTANAE ET ECHTETEN-
SIS CANONICO, SERENISSIMI
DVCS BAVARIAE CONSILIARIO,
SVPREMOQ. BIBLIOTHECARIO,
ABRAH. ORTELIVS
AMORIS MNEMOSYNON HOC D D.

SARMATIAE EVRO. Septentrio. PARS.

GERMANIAE PARS.



DACIARVM,
MOESIARVM
QVE VETVS
DESCRPTIO.

Vibbes Moesae II. in cognitis possitibus. Aetibus.
Anatolus, Anathus, Apollodorus, Boline, Borobis, Ca:
beatus S. Grylli. Eumenius, Gemella, Gerania, Ilicia,
Latria, Libellus, Melchiorum, Magon, Parthenopolis,
Sicaria, Talamonum, Thamyris, Theodoretus, Itra:
ceen, Vildiana, & Z. Agre. Moesiae I.
Daphne, Ledonta, Pinum, Regna, & Z. muna.
Daciae, Ipsi, Berzobis, Buzia, Sigla, Sphica, et
Zerna. Flumina Daciae, Alarnus, Alaris, Alais,
Aurum, Lygima, Mantis, et Ares. Mons Cagomus.

Ex conspectu Aethi:
hami Ortelij.
1595.

Prasit his Graecis locis modo Flacus, et illo
Ripa ferax Istri sub duce tanta fuit.
Hic tenuit Moesas gentes in pace fideles.
Ovid. 4. de Ponto, Elg. 9.

PONTI EVXI
NI, SARMATI
CI, SIVE SCY
THICI PARS.

MOESIA I. SIVE SUPERIOR.

Occidens.

Merides.